

Gwybodaeth i Rieni 2026-27



Dysgu Gorau - Dysgu Byw

SUT I GYSYLLTU Â'R YSGOL:

Prif swyddfa: 01639 842129

e-bost: YstalyferaUwchradd@ygybd.npt.school

Cyd-lynydd Blwyddyn 7:

Mr Richard T Davies

e-bost: DaviesR1117@hwbcymru.net

Pennaeth Cynorthwyol (Cyfrifoldeb Trosglwyddo Bl6 i 7):

Mrs Angharad Lloyd

e-bost: LloydA183@hwbcymru.net

Pennaeth

Mrs Laurel Davies

e-bost: DaviesL1404@hwbcymru.net

CROESO I YSGOL GYMRAEG YSTALYFERA. EDRYCHWN YMLAEN AT WEITHIO'N AGOS GYDA CHI DROS Y BLYNYDDOEDD NESAF.



CEFNOGAETH I FLWYDDYN 7

Pan ddaw'ch plentyn i Ysgol Gymraeg Ystalyfera, fe fydd gofal a chefnogaeth gref mewn amryw o ffyrdd :

- Tiwtor Dosbarth a fydd yn cynnig pob cymorth i ymgartrefu yn yr ysgol o'r newydd ac a fydd yn Diwtor hyd at Flwyddyn 11.
- Cydlynydd Blwyddyn a Staff Hŷn a fydd bob amser ar gael i drafod gyda rhieni.
- 'Bydi' ym Mlwyddyn 12 a fydd yn barod i helpu a chyfeirio, gofalu a chyfarwyddo. Mae pob plentyn yn cyfarfod a'i 'fydi' yn wythnosol o leiaf.
- Clybiau Gwaith Cartref.
- Clybiau pynciol – e.e. Mathemateg. Sesiynau Mentora ar gyfer Llwyddiant.
- Cefnogaeth Llythrennedd a/neu Rhifedd.
- Noson i Rieny yn gynnar yn ystod y tymor cyntaf i drafod ymgartrefu ac unrhyw gefnogaeth neu sylw i faterion penodol sydd angen.
- Gwersi Dysgu Gorau Dysgu Byw er mwyn ffocysu ar osod targedau ac asesu cynnydd.
- Cwrs Sefydlu i Flwyddyn 7 yn ystod diwrnodau cyntaf flwyddyn. Anogaeth i ymuno â gweithgareddau allgyrsiol penodol i Flwyddyn 7 e.e. Côr Blwyddyn 7, Twrnament Rygbi a Phêl-rwyd Blwyddyn 7.
- Cynlluniau Clod a Gwobrwyo er mwyn codi cymhelliant a hybu cyrhaeddiad.



CWRICWLWM BLWYDDYN 7 2026-27

Mae Ysgol Gymraeg Ystalyfera Bro Dur wedi gweithredu fel Ysgol Arloesi'r Cwricwlwm gyda Llywodraeth Cymru gan arwain ar y gwaith o baratoi'r ffordd i bob Ysgol arall gyda'n cwricwlwm arloesol a chyffrous. Mae'n bleser mawr gennym rannu'r ddarpariaeth ar gyfer blwyddyn 7 Medi 2025 ac fel Ysgol rydym yn falch iawn o'r hyn rydym yn cynnig ar gyfer ein pobl ifanc. Mae ein 'cwricwlwm' yn cynnwys yr holl brofiadau dysgu a gweithgareddau cyfoethogi a gynlluniwyd er mwyn cyflawni Pedwar Diben y cwricwlwm, sef datblygu ein plant a'n pobl ifanc fel:

- Dysgwyr uchelgeisiol, galluog sy'n barod i ddysgu drwy gydol eu hoes
- Cyfranwyr mentrus, creadigol sy'n barod i chwarae eu rhan yn llawn yn eu bywyd a'u gwaith
- Dinasyddion egwyddorol, gwybodus Cymru a'r byd
- Unigolion iach, hyderus sy'n barod i fyw bywyd gan wireddu eu dyheadau fel aelodau gwerthfawr o gymdeithas.

Rydym yn benderfynol o ddarparu continiwm dysgu sydd yn sicrhau bod ein pobl ifanc yn adeiladu ar y cryfderau a'r seiliau a osodwyd gan ein partneriaid ardderchog yn yr ysgolion cynradd. Trwy barhau i ddatblygu sgiliau ac ymestyn y strategaethau addysgol cytûn, gyda'n gilydd byddwn yn sicrhau continiwm dysgu sy'n datblygu dysgwyr gydol-oes effeithiol ac yn paratoi ein pobl ifanc ar gyfer eu dyfodol.



CYNLLUN CWRICWLWM BLWYDDYN 7

CWRS	CRYNODEB
Dysgu Gorau, Dysgu Byw: DGDB	Cwrs craidd i anwytho disgyblion i'r ysgol, yn ffocysu ar ddatblygu sgiliau sylfaenol y Pedwar Diben mewn dosbarthiadau bach cofrestru i ddatblygu gallu emosiynol, gwytnwch, sgiliau siarad a gwranddo, gwaith annibynnol, cymryd risg a gwerthuso cynnydd. Bydd y cwrs hefyd yn anelu i urddo a gwobrwyo disgyblion ar eu cynnydd / taith a chyfraniad ym Mlwyddyn 7 drwy "urddo" ar ddiwedd y flwyddyn.
Cymraeg	Cwrs craidd sydd yn datblygu'r Gymraeg mewn cyd-destun cyfoes lleol, cenedlaethol ac Ewropeaidd. Y nod yw i ddatblygu hunaniaeth gref ac annog eu datblygiad ieithyddol i ysbrydoli disgyblion fel dysgwyr y Pedwar Diben.
STEM	Cwrs cyffrous sydd yn gyfuniad o wersi Gwyddoniaeth, TGCh, Math a Thechnoleg gan ddatblygu cwrs traws-adrannol newydd o fewn yr ysgol. Bydd y ffocws ar ymchwilio chwilfrydig, damcaniaethu a datblygu sgiliau dysgu rhagorol. Rhoddir ffocws ar ddatblygu egwyddorion y Pedwar Diben a'r disgyblaethau pynciol allweddol o fewn cyd-destun lleol, Cymreig, byd go iawn.
Iechyd a Lles	Mae hwn yn gwrs sydd yn datblygu lechyd a Les mewn modd mwy holistaidd, yn ystyried agweddau ehangach o ran iechyd a datblygiad corfforol a byw'n iach, gan gynnwys pwyslais ar iechyd meddwl, cydbwysedd a pherthnasoedd iach. Mae'r ffocws yn gadarn yma ar ddatblygu unigolion iach ac hyderus ond yn ymateb i egwyddorion pob un o'r pedwar diben.
Dyniaethau	Mae'r Maes hwn yn cwmpasu daearyddiaeth; hanes; crefydd, gwerthoedd a moeseg; astudiaethau busnes ac astudiaethau cymdeithasol. Rydym wedi cyfuno gwrs i'r Dyniaethau i ddatblygu fformat newydd dan law ein harbenigwyr pwnc i gyflwyno profiadau a meysydd arbenigol er mwyn ysbrydoli ein disgyblion i fod yn ddysgwyr chwilfrydig a chyffrous.
Celf Perfformio	Cwrs ardderchog yn rhoi pwyslais ar gyd-weithio traws adrannol ar thema / allbwn cyffredin. Mae'r ffocws ar gyflwyno / cynnyrch ar ddiwedd y flwyddyn a bydd gwahoddiad i rhieni i ddod mewn i'r ysgol i ddathlu'r creadigrwyd yn nhymor yr Haf.
Mathemateg	Mae'r ffocws ar ddatblygu gweithgareddau mathemategol sy'n addysgu'r dysgwyr ac yn herio'r pobl ifanc i beidio a bod ag ofn problemau anghyfarwydd neu gymhleth. Drwy ddatblygu cysylltiad lleol, cyfoes, byd-real a Chymreig i ysbrydoli disgyblion fel dysgwyr y Pedwar Diben, bydd y disgyblion yn datblygu gwydnwch, yn ogystal a phrofi ymdeimlad o lwyddiant a mwynhad.
Saesneg	Cwricwlwm newydd a chyffrous sydd yn datblygu hunaniaeth, dealltwriaeth a chysylltiad lleol, cyfoes, byd-real a Chymreig i ysbrydoli disgyblion fel dysgwyr y Pedwar Diben.
D&T	Bydd y cwrs yma yn cyflwyno'r cwricwlwm mewn dull newydd a chyffrous ac yn datblygu sgiliau a disgyblaethau dylunio a thechnoleg, drwy ddatblygu cysylltiad lleol, cyfoes, byd-real a Chymreig i ysbrydoli disgyblion fel dysgwyr y Pedwar Diben.
ITM	Bwriad y cwrs yw i danio chwilfrydedd a brwdfrydedd y dysgwyr a chynnig sylfaen gadarn iddyn nhw ddatblygu diddordeb gydol oes yn ieithoedd y byd.



OFFER

Offer sylfaenol i ddisgyblion Blwyddyn 7 yw set geometreg (cwmpawd cadarn, dau sgwaren, pren mesur 300 mm a phrotractor), pensil, ysgrifbin (inc neu bêl-bwynt), pensiliau lliw.

Cynghorir disgyblion i beidio â dod ag eiddo drud i'r ysgol.

Ni chaniateir peniau ffelt, Tipp-ex (na hylif tebyg), chwaraewyr cerddoriaeth/dyfeisiau smart na gwm cnoi yn yr ysgol.

Ni chaniateir defnyddio ffonau symudol yn yr ysgol. Bydd ffonau symudol yn cael eu cymryd gan staff a'u cadw yn y swyddfa tan ddiwedd y dydd.

APP CLASSCHARTS

Bydd y feddalwedd yn cofnodi cyflawniad, ymroddiad ac ymagwedd eich plentyn at ddysgu. Ar yr App fydd amserlen, gwaith cartref a gwybodaeth dydd i ddydd mewn amser real.

ORIAU'R YSGOL

Mae'r ysgol yn gweithredu amserlen pythefnos – 60 gwrs 50 munud ac mae'r diwrnod ysgol yn cynnwys amser i gofrestru, cynnal gwasanaethau, amser egwyl ac awr ginio.

TREFN Y DYDD YSGOL

8.40am :	Cofrestru'r bore
9.00am :	Gwers 1
9.50am :	Gwers 2
10.40am :	Egwyl
11.00am :	Gwers 3
11.50am :	Gwers 4
12.40pm :	Cinio
1.30pm :	Gwers 5
2.20pm :	Gwers 6
3.10pm :	Diwedd y dydd




5 Munud yn hwyr bob dydd, pob diwrnod o'r wythnos yn cyfateb i 3 diwrnod y flwyddyn

Prydlondeb



Presenoldeb

Presenoldeb	Diwrnodau Absennol	Wythnosau Absennol	Nifer o wersi
98%	4	1 wythnos	24 gwers
95%	10	2 wythnos	60 gwers
90%	19	4 wythnos	114 gwers
85%	29	6 wythnos	174 gwers
80%	39	8 wythnos	234 gwers
75%	48	10 wythnos	288 gwers
70%	58	12 wythnos	248 gwers
65%	68	14 wythnos	408 gwers



Ysgol Gymraeg Ystalyfera

© Ysgol Gymraeg Ystalyfera

ABSENOLDEB A PHRESENOLDEB

Rhaid egluro pob absenoldeb pa hyd bynnag bo'r cyfnod. Rhaid hysbysu'r ysgol naill ai drwy'r App Class Charts neu neges ffôn erbyn 8yb. Gofynnir i ddisgyblion sy'n cyrraedd yr ysgol yn hwyr (wedi i'r cyfnod gofrestru gau) fynd i'r Swyddfa, lle cofnodir ei enw.

Cynghorir rhieni yn gryf i beidio â mynd â phlant ar wyliau yn ystod y tymor ysgol.

Adran Cludiant Ysgolion Cyngor Bwrdeistref Sirol Castell-nedd Port Talbot
(01639 763333).



BYSIAU YSGOL

Trefnir y bysiau yn gyfan-gwbl gan Adran Cludiant Ysgolion Cyngor Bwrdeistref Sirol Castell-nedd Port Talbot (01639 763333). Ceir gwybodaeth ynglŷn ag amserau'r bysiau a'r arosfannau priodol oddi wrth yr Adran honno. Cynghorir disgyblion i fod wrth yr arosfan priodol bum munud cyn yr amser swyddogol.

- Os digwydd i ddisgybl gollu'i fws ar ddiwedd y dydd, dylid mynd yn union i Swyddfa'r ysgol ac nid i unman arall.
- Rhaid i ddisgybl gario'i docyn bws bob dydd er mwyn dangos i'r gyrrwr.
- Yn ôl rheolau'r Cyngor Bwrdeistref Sirol, gall disgybl sy'n camymddwyn ar fws ysgol gollu'i hawl i gludiant rhad ac am ddim.
- Gellid cael copi o lyfryn yr Awdurdod Addysg Cludiant ar Fysiau Ysgol o swyddfa'r ysgol.

CINIO YSGOL

Darperir cinio iach a maethlon ganol dydd ym Mwyty'r Giedd ac anogir pob disgybl i fanteisio ar y ddarpariaeth hon. Mae gan yr ysgol bolisi o fwyta'n iach ac o hybu iechyd. Arlwyr ciniawau ar system cafeteria ac mae gan ddisgyblion ddewis fwydlen 'bwyta'n iach'. Telir yn ddyddiol gan y disgyblion am y prydau a ddewisir. Mae £2.90 y dydd yn talu am bryd (gosodedig) digonol, er y medr disgyblion dalu llai neu fwy na'r swm hwn, yn ôl yr hyn a ddewisant. Mae dewis eang o fyrbrydau i'w gael hefyd. Caniateir i ddisgyblion ddod â brechdanau o gartref i'w bwyta yn ystod yr awr ginio a neilltuir lle ar eu cyfer yn ystod yr awr ginio. Mae modd i ddisgyblion brynu diod (oer neu gynnes) ynghyd â thost a byrbrydau iachus eraill o 8.15am ymlaen ac amser egwyl.

CINIO RHAD

Mae ffurflenni ar gael ar safwe CNPT. <https://tinyurl.com/ycyfh5a>



PARENT PAY

Mae'r system yn golygu nad oes rhaid i fyfyrwyr a staff dalu am brydau ysgol gydag arian parod mwyach. Yn hytrach, maent yn prynu eu prydau a byrbrydau drwy ddefnyddio cod biometrig bys neu gerdyn adnabod personol wrth y til! Mae'r system hefyd yn lleihau ciwiau yn ystod amser cinio ac yn darparu prydau ysgol am ddim yn ddiennw i ddisgyblion.

Byddwch yn gallu rhoi arian ar gyfrif eich plentyn ar lein gan ddefnyddio carden debit neu credit

Er mwyn gallu defnyddio'r system rhaid cael llythyr caniatâd biometreg. Gellir gwario hyd at uchafswm o £6.00 y diwrnod ar brydiau ysgol.



GWISG, ADNODDAU AC OFFER

GWISG YSGOL

Rhaid i'r holl ddisgyblion wisgo dillad swyddogol yr ysgol. Dylai enw'r plentyn fod ar bob dilledyn. Gofynnir am gymorth rhieni er mwyn sicrhau fod pob plentyn yn gwisgo gwisg ysgol lawn a chywir.

Lliwiau'r Ysgol: Glas Brenhinol, Gwyrdd Emrallt a Du

BECHGYN

GWISG GAEAF

Siwmpwr: Glas brenhinol, swyddogol ('Jerzees') gyda gwddf 'V' â logo'r ysgol arni.

Trowsus: Du, plaen. Dim Jîns.

Tei: Gwyrdd a glas

Crys: Glas golau plaen, cotwm, llewys hir

Sanau: Du/Llwyd

Esgidiau: Du. Dim trainers.

Cot: Cot ddu blaen

GWISG TYMOR YR HAF

Crys polo: Swyddogol, glas golau gyda bathodyn yr ysgol. Dewis i wisgo byriau chwaraeon swyddogol yr ysgol



MERCHED

GWISG GAEAF

Siwmpwr: Glas brenhinol, swyddogol ('Jerzees') gyda gwddf 'V' â logo'r ysgol arni.

Trowsus: Du, plaen, coes syth. Dim Jîns, dim crops, dim addurniadau h.y dim trwosus ffasiwn.

Sgert: Du, plaen. Dim mwy na 5cm (2") uwch y ben-glin. Ni chaniateir sgert 'ffasiwn'.

Tei: Gwyrdd a glas.

Blows: Glas golau plaen, cotwm, llewys hir (ni chaniateir blows 'ffasiwn').

Sanau/teits: Du.

Esgidiau: Du, sodlau dim mwy na 4cm. Dim trainers.

Cot: Cot ddu blaen.

GWISG TYMOR YR HAF

Crys polo: Swyddogol, glas golau gyda bathodyn yr Ysgol.

DILLAD CHWARAEON

MERCHED

DILLAD CHWARAEON I'R MERCHED

Yn y gampfa :

- Top addysg gorfforol (merched)
- Byrion (chwaraeon glas tywyll neu ddu)
- Trainers

Ar y cae

- Top addysg gorfforol (merched)
- Sgert, byrion chwaraeon swyddogol yr ysgol neu 'sgort' hoci las tywyll
- Sanau glas tywyll gyda logo'r ysgol
- Tracwisg ddu neu las (mewn tywydd oer)
- Emrallt a Du

*Bydd y byrion chwaraeon hefyd yn ffurfio rhan o wisg haf yr ysgol.

BECHGYN

DILLAD CHWARAEON I'R BECHGYN

Yn y gampfa

- Top addysg gorfforol (bechgyn)
- Byrion glas tywyll swyddogol yr ysgol
- Trainers

Ar y cae

- Crys rygbi,
- Byrion rygbi glas tywyll
- Esgidiau rygbi
- Sanau glas tywyll â bathodyn yr ysgol arnynt

NODWCH, OS GWELWCH YN DDA :

GWALLT

Rhaid i ddisgyblion fod â steil gwallt addas a derbyniol ar bob adeg. Ni chaniateir toriad na lliw eithafol. Oherwydd diogelwch, cynghorir disgyblion i glymu gwallt hir yn ôl oddi ar eu hwyneb.


CLUST-DLYSAU AC ADDURNIADAU CORFF

Caniateir un styden ym mhob clust. Ni chaniateir addurniadau e.e. stydiau neu ddarnau o fetel mewn unrhyw ran arall o'r corff megis y wyneb. Gofynnir i ddisgyblion i dynnu'r fath addurniadau.

TAPIAU ENWAU

Fe'ch cynghorir i wnïo enw ar bob dilledyn.





PRYNU'R WISG SIOP GWISG YSGOL GYMRAEG YSTALYFERA

www.sportec.co.uk/contact-us

Mae cwmni lleol Sportec yn Castell-Nedd yn gwerthu holl eitemau arbenigol gwisg ysgol a chwaraeon. Gellir prynu ar-lein, neu alw i mewn i'w siop cyfleus yn Uned 5, Stad Ddiwydianol, Abbey Road Industrial Estate, Castell Nedd, SA10 7DN.

Gellir yn ogystal gael y wisg wedi'i anfon i'r ysgol (gwasanaeth casglu am ddim) neu gael y dillad wedi'i anfon i'r cartref (cost ychwanegol).

Bydd opsiwn o gael enw eich plentyn wedi ei wnio i ochr dde y siwmpwr.

LOGO SWYDDOGOL YR YSGOL



Gwefan Sportec

GWEITHGAREDDAU ALLGYRSIOL

Mae gan yr ysgol fywyd cymdeithasol cyfoethog ac amrywiol sy'n ategu'r cwricwlwm academaidd. Mae'r cymdeithasau canlynol yn cwrdd yn rheolaidd:

Yr Urdd, Gwyddonol, Mathemategol, Daearyddiaeth, Hanes, Drama, Dadlau, Siarad Cyhoeddus, Cerddorfa, Corawl, Cynhyrchiad Ysgol Gyfan, Cynlluniau Menter yr Ifanc, Gwobr Dug Caeredin, gweithgareddau Menter Iaith CNPT, Atal Troseddu, cystadlaethau amrywiol.

Ceir rhaglen lawn o weithgareddau chwaraeon a chlybiau ffocws. Cynhelir hefyd Glwb Gwaith Cartref a Chlybiau Gwaith Cwrs i hybu cynnydd ym mhynciau'r cwricwlwm.

Ymhlith y chwaraeon a drefnir gan yr adran Addysg Gorfforol y mae rygbi, hoci, criced, pêl-rwyd, traws-gwlad, athletau, pêl-droed, gymnasteg, pêl-fasged, pêl-fâs a badminton.

Anogir disgyblion i ddefnyddio'r cyfleusterau a ddarperir yn ganolog gan yr A.A.LI. yn y celfyddydau (awduron a chrefftwyr preswyl), addysg yr amgylchedd a chwaraeon.

Mae gan yr ysgol ystafell gefnogaeth sef 'Stafell Stwnsh' lle mae disgyblion yn medru cael cyngor gan weithwyr ieuentid a swyddogion cynhwysiant arbenigol amser cinio ac egwyl. Trefnir gweithgareddau amrywiol a chynnigir cyfleoedd i ddisgyblion gymdeithasu mewn awyrgylch anffurfiol.





BLWYDDYN ACADEMAIDD 2026-2027

TYMOR	DECHRAU'R TYMOR	GWYLIAU HANNER TYMOR		DIWEDD TYMOR
		DECHRAU	DIWEDD	
Hydref 2026	Dydd Tuesday 1 Medi (Diwrnod HMS)	Dydd Llun 26 Hydref	Dydd Gwener 30 Hydref	Dydd Gwener 18 Rhagfyr
Gwanwyn 2027	Dydd Llun 4 Ionawr	Dydd Llun 8 Chwefror	Dydd Gwener 12 Chwefror	Dydd Gwener 19 Mawrth
Haf 2027	Dydd Llun 5 Ebrill	Dydd Llun 31 Mai	Dydd Gwener 4 Mehefin	Dydd Mawrth 20 Gorffennaf

